

LOU GALETOU

Troisième année - Limerò 11
lou limerò : Die sôs (noei per mei)
Abounamen : un écu de 5 francs

DECEMBRE 1937

Direci, redaci, administraci : 21, ruo d'Aisso, Limoges :: Téléphone 58.46

" Per dehaignâ lous Lemouzis "




Photo Jové

Qu'ei dins no vieillo galetieiro qu'un faï lous meillours galetous :

Veiqui lo pâto dau galetou de Decembre :

LOU PECHA CAPITAU.....	JEAN REJIEP	LAS BOUNAS FEITAS.....	LUZERNO DE PLAI
BOTISTO EN AVIOUN.....	LOU VIEI MARSAU	LOU VOULEUR VOULA.....	FRANCEI
MO RICHESSO (chansou).....	JOSE MOZOBRAU	QUI DEU PADI.....	MAURISSOU
LAS POULAS DAU TOUNTOUN.....	E. RUCHAUD	LOU LIMERO GAGNAN.....	BARGOMIAU
LO VITO D'UN PORC.....	NAZ DE LIRO	PER VENI VIEI.....	JAUBOURI

A NOTREIS ABOUNAS

Quant v'autreis verrez sur vôtre journâu un cachet bleu que dit : **VOTRE ABONNEMENT FINIT AVEC CE NUMÉRO**, ne perdez pas de tem, mettez 10 timbreis de 10 sôs dins n'envelopo e votro adresso e ranvouyâ lou tout au Dretour dau " GALETOU ", 21, rue d'Aixe, Limoges, o be refusâ lou journau.

**L'Armana dau Galetou per 1938 ei belomen preite.
O siro denquero pus plasen que queû d'antan.
Preparâ votre ecu de 4 francs (4 fr. 60 per lo posto).
Et n'attendez pas au darei momen per lou demandâ !**

LOU PECHA CAPITAU

Lo Ritou que se coufessâvo
Aguet d'abord deigûssela
So grosso bleito de pechas.
D'un viro-mo co fuguet fa.
L'avio tout dit, re ne manquavo,
Nou mas, beleu, ce que jamais
No fillo ne counto a so maî.

Mas lou cure que l'eicoûtavo
Lî disset : « Qu'ei deja chaba ?

» Tu deveis n'en veî oblida ;
» Te counesse, teito legero ;
» Aûve parlâ lous lingagers
» Depei que tu fâs lo bargeiro
» Tu ne gardas pas sans barger.
» Per iô dire tu n'en as vounto ;
» Vêse que lo mino te mounto,
» Ane, mo pito, vaû t'aidâ :

» Tous lous mandis tu vas gardâ,
» Et tu ne seis pas dins lo prâdo
» Que Franceî, queu saûto-levâdo,
» Ei countre te. Tu li riseî,
» Tu te senteis lou cuer aiseî.
» O fai lou flognard, ô t'embrasso,
» Et sous poutous te semblen bouns.
» Mas tant vaî lo gerlo a lo fount
» Qu'uno bouno ve lo se casso,
» Lo se casso — o be se rempli —
» Mo paubro drollo, penso-lî !

» Et surtout prens gardo, bargeiro,
» Que lou grand demoun Lucifer
» N'ei pas toujours dins soun enfer.
» O t'agâcho sur lo fôgeiro
» O t'entraûpo dins lous brujaûs,
» Et de queu tem so mo legero
» Dins toun pouchou de davantieiro.
» Cougno lou pecha capitaû ! »

Lo malhurouso n'en tremblâvo.
Lo baisset sous oueis de velours
Ente flambo lou fio d'amour,

Et faguet : « Qu'ei vrai, i'oblidavo ;
» O m'o bailla quauqueis poutouûs,
» O m'o chatinglia lous tetoûs,
» Mas lou boun Di, que nous veû tous.
» Ne vô gro lo morti d'uno fillo
» Per no si pito pecadillo. »

— « Lou boun Di auro coumpassi.
» Mas si tu voueis l'absoluci
» Faut tout me dire. Prends courage,
» Fais me no bouno coufessi.
» Après lous poutous iô m'eimâge
» Que Franceî fasio l'eifrounta.
» Ritou tu m'as pas tout counta ! »

— « Si vous disio que lous countâvo
» Tous lous poutous qu'o me baillâvo,
» Moun paî vous ne me creurias pas.
» Aimâvo mier, sans me vantâ.
» Et sans vous dire de meisounjo,
» Lous sabouri que lous countâ !
» De mous pechas lo listo ei lounjo,
» Ne m'en fasez pas dire mais,
» N'ai deja prou sur lo coussinço,
» Et re que de pensâ, moun paî,
» A quis poutous... perde passinço ! »

— « Penso-lî, per te repentî,
» Et dijo-me tout sans mentî,
» Si tu voueis eisseî pardounado.
» Maîffo-te, mo paubro Ritou,
» Lou boun Di so tout et veû tout ! »

O cresio be lo vei tropâdo,
Mas lo Ritou qu'ei plo rusâdo
Disset : « Moun paî vous vous troumpâs.
» Lou boun Di ne iô saubro pas.
» Dinâ quel essart impôrissable,
» Negre coumo lou crô dau diable,
» Ente Franceî m'o caressa,
» Jamais lou boun Di n'o passa ! »

JEAN REBIER.

Chaz

CAMUS, 4, Boulevard Louis-Blanc (Tél. 59-89)

nio tout ce que fan per lous amateurs de T. S. F.

En soun G. M. R. un auvo tout, un coumpren tout, lou
franceî maî lou patouei.

Lo Mili avio balia rendez-vous diomen à 3 houras dins lous
bos, au Grand Jeantou de lo Lando. Lou Grand Jeantou ribet
trop tard, lo Mili erio partido. Co li orio pâ arriba, si ô vio gu
no moutrô de chaz

Martial LARODIE, 13, Rue Darnet - LIMOGES
un daus meillours relougers de lo villo.

BEVEZ LOUS NUVEUS
SODAS LAPLAGNE

Pur sucre - Digestifs - Rafraichissants

Queu grand hiver vai be têt commença ! Co n'ei pas lou momen de serti en d'uno pito verto ecooudissado. Faut vite nâ chaz

Paul DUMONT, Tailleur

13, boulevard Victor-Hugo

LIMOGES

comandâ un gros pardessus bien chaud V'autreis sirez servi d'abord et billas coumo daus ministreis.

Batista en avioun

Un mandî, lou pai Botisto, un viei journaliei que restavo a Feitia, se disse, en visan n'avioun que dovolavo se posâ : « Ne vole pâ mûri sei vei mounta sur quello mochino. N'en auve parlâ tou lou ten ; lou chan d'aviaci ei ô beu pe de châ nou ; vese qui gran ôseu voulà do mandî a l'ensei e muririo sei vei mounta dessus ? Co sirio no vounto. D'abor sai ôneite e boun crétien. Sai segur, a lo fi de mo vito de nâ ô ceu ; mâ co deu fâ caucore de quitâ lo têro ; vole eissoya avan per veire coumo co fai quant-un mounto en l'er. »

O n'en parle pâ a so fenô, l'erio enchiprouso e l'ôrio be trouba cauqu'encheizou per enpeichâ soun ôme de countentâ soun envio. Justomen, lou lendemo, un vengue li dire que soun pai, que restavo a Boueissei, erio molaude e lo fojo domandâ. Lo partigue d'obor.

Botisto pense que qu'erio lou momen de se tira d'oqui. O se bille di sou ôbi de nôço, prengue no chopino, un bouci de po e de lâ lissâ di un poniei (ô pensavo n'en vei per lo journado) e ô partigue.

Riba sur lou chan d'aviaci, ô tounbe nâ â nâ aveique un de sou ancien meitrei, moussur Flanbar, un riche proupietâri dô Perigor qu'erio caucore di l'administraci de l'er.

— Te ! qu'ei vou, Botisto ? Que diable venei-vou fâ eici ? Ei co per prenei lou botime de l'er ?

— Neigro, Moussur, qu'ei pâ per me fâ botisâ que sai vengu. Ai seissant' an possa e gn'io lounten que sai nâ a l'eigleijo per lo prumieiro ve sur lou brâ de mo meirino.

O li esplique alor ce quô erio vengu fâ.

— Vou a gu no boun' eideyo, li disse moussur Flanbar, en risen. Co tounbo bien, deve eizominâ quello mochino qui venen d'omenâ ; vou vou vâ metre a couta de me.

Quei Botisto qu'erio fier de mounta aveique soun ancien meitre ! Moussur Flanbar fogue sinne a d'un garçou dô chan d'aviaci que place Botisto di l'avioun e l'eitâche de pô qu'ô tounbesso. Lou viei ne vougue re sobei per leissâ soun poniei qu'ô cougne entre sâ chanbâ. Moussur Flanbar se mete dovan se. Lou pilôto monte a soun tour. L'avioun coulène beleu cinquante meitrei e coumence de mountâ.

I ne vian pâ voulà demio lego que Botisto disse a Moussur Flanbar :

— Chôplâ, Moussur, fosei reitâ lo machino.

— De que ? Vou cresei que lou avioun se reiten entau di l'er ?

— Eibe lou prumiei plai que vou trouborei, foudro me reitâ.

— Mâ, moun paubre Botisto, vous sobei be que gn'io pâ de plai ni mai d'aubrei di l'er. Qu'ei aco que vou pren ?

— Vole tounbâ de l'aigo... e beleu fâ aurei, sou vôtre respe.

— Foullo vou eizina avan de mountâ. Un n'o pâ eideyo de co !

— Qu'ei vôtro mochino que m'o deibouera lou budeu.

— Qu'ei beleu l'eichapomen dô gaz que vou o fâ mau ?

— N'ai gro eichopa de gaz. Sai eitocha sur moun selou que ne pode soulomen pu petâ (ercusa-me). Mâ sente que vau tounba molaude si me retene denguerô.

Moussur Flanbar se fojo dô meichan san e rencuravo de vei fâ mounta queu viei coueinar. A queu momen ô deiviro lo teito e se pren lou nâ.

— Qu'ei beleu lâ lissâ que vou sentei, Moussur, di Botisto ?

— Ah ! crese putô que qu'ei lou vignou que sente. Mâ î deven eisse modur quiqui.

Moussur Flanbar coumande lou pilôto que fogue fâ demie tour a l'avioun per tourna sur lou chan. A qui un deitache lou pai Botisto que vougue remercha soun ancien meitre, mâ queuqui, tou-t-en coulêro, li disse :

— Nâ vou-z-en, nâ, viei pudignou, e que co cho lo darnieiro ve que vou metei lou pei eici.

Moun Botisto s'en ne teito basso en marmusan :

— Eibe î tournoran m'en parlâ dô avioun. Si co marchô entau quan mountorai veire lou boun Di, jomai ne choborai de ribâ !

LOU VIEI MARS AU.

Las liquours las pus finas, lous aperitifs lous pus sabourous, lou rhum JAMA, qu'un pelo lou « chasso-grippe », lo FEUILLANTINE, lou ROYALET (aperitif fraises et framboeises), lou ROYALS (cacao et vanille) se trouben chaz

LAFARGE-REBOUL, 14, Avenue Emile-Labussière

Quant un 'ei bien chaussa un ei aisei et beucop pus fier.
Las meillours chaussuras et las pus bravas qu'ei be las

Chaussures BOURDEAU

4, rue Pennevayre — LIMOGES

Nas lis per essaya, vautreis sei segur de li tourna !

Tout lou mounde ne pouden pas essei fâ au mounle. Mas qui que sount gros o be un paû trop envierlas faran bien de nâ chaz **LACROIX**. Quant is n'en sertirans is siran drets como un i et fiers como Artaban. Dins lous Etablissomens **Lacroix** un troubo touto sorto de bandages et aussi de las ceinturas per tenei lo rantelo dau ventre. Adressas-vous se crainto à **LACROIX FRERES**, 28, rue du Consulat, Limoges. Tél. 56-15. Qu'ei no meijou qu'o mai de cent ans d'existenco !

MO RICHELSSO

Air : *De l'eau et du vin.*

I

Quan oribej sur tèro
Ero nu e cheiti,
Jomai pû lo misèro
N'è quita lou piti.
Noungro jomai l'eisanço
N'o de moun eizistanço
Oduoci un momen !
Pertan dí l'olegrosso
Ai poÿssa mo jônesso
Sei vei ôcun turmen (bis).

II

O defau de fourtuno
Ce que me ran uroû,
Qu'ei de fâ per, mo bruno
Dô couplei sobouroû.
Louï coupôse, louï chante,
Eitopau iô me vante
De sobei eichopâ
O l'ofrouso tristesso
Que guido lo richesso,
L'argen ne me plâ pâ (bis).

III

Quan iô sai di l'eisino,
Qu'ai gâgna cauque sô,
Vau beure mo chopino,
Sai fier coum' un cinsô.
Oqui chante lo jôyo,
Si l'or n'en pâyo l'ôyo
Ne manque gro de re...
Lou riche o teito nauto
Creirio vei fâ no fauto
Ch'ô èro au cobore (bis).

IV

Aim' ôci lo fôgeiro,
Souven ô bor d'un bouei
Vau prei d'uno bargeiro
Jugâ de moun ôbouei.
Si sei peino replico
L'eicoûto mo musico,
Qu'encourâjo moun cœur...
Li chante l'omouretto,
Li rocounte fleurette,
Sai toujours soun vainqueur (bis).

V

Chante ôci lo noturo
Sur vin sujei diver,
Lo cholour, lo frejuro,
Louï aubrei toujours ver.
Louï ôzeu, lo coudretto,
Louï rî, lo pâquoretto
Louï prê, louï bouei, louï cham !
Lo frucho si merveillo,
Louï rosin prei lo treillo ;
Tou-t-inspiro mouï chan (bis).

VI

Chantâ, qu'ei mo deviso,
Pan fugue moun peiri,
Oci mo goliardiso
N'o gro jomai tori.
Sur lou bor de mo toumbo
(Sabe que tou sucoumbo)
Chantorai denguerâ...
O l'ei de mo fomillo
Si cauquo larmo brillo !
Defendrai de purâ. (bis).

VII

Veiqui, dí lo deitresso,
Coumo iô sai uroû !
O que boun lo richesso,
Lo ren tro desiroû ;
Fô que l'ôme s'eizerce
Per fâ cauque coumerce
Quan lo l'ô enchanta !
Me, brâve lo coquetto,
Bève mo chopinnetto,
Qu'ei per me lo santa (bis).

José MOZOBRAU, de Soulegna.

Quelo chansou ei tirado de LA LIMOUSINA, libre emprima che M. DUCOURTIEU

Joneis garçons a borbo fino, vieis a coudeno en pau redo, jônas fillas, fennas; tous, si v'autreis vôlei esse fiers et fâ plasei a veire, nâ vous fâ rasa et frisa chaz

ALFRED & GINETTE SALON DE COIFFURE
63, rue de Bellac, Limoges

ALFRED rafraîchiro vôtas jôtas, co siro un velours ! Logento **GINETTO**, en soun appareil **GALLIA**, foro daus indéfri-
sableis per 50 francs !

Qu'ei un trobai parfait !

- Dijô, Tiennissou, tu seis be trop fier depei caque tem. Per moun armo, t'as rajeuni ! Qu'as-tu dounc fa ?
- Viso mas dens l..
- Be sount las bravas, t'erâ tout berche pertant ?
- Plo, mâ iai na veire Moussur

Robert BEYRAND, 38, Place des Bancs, Limoges

Ei co douba co, drôle !

Lou voleur voula

Lou viei Peirassou de Viroviolo avio dins so coumodo un billet de millo francs.

Lous voleurs passerent dins lou village ; is masseren per qui, per lai, caqueis billeis de cent francs et cauquas peças que las fennas aviant laissa dins lous tiroirs.

Is ne rentrerent pas chaz Peirassou, mâ lou viei aguet bien pô. ô mettet soun billet dins no boueitio en fer et l'enterret dins soun varjer entre las racinas d'un gros poumier.

De tem en tem, a raso de net, ô navo veire soun trésor.

Soun vesi, lou gran Fayou, lou viguet fâ, tras lou plaî. Sitô lou viei coueijâ ô sautet dins lou varjer, chavet en sas mâ, prenguet lou billet et tournet enterra lo boueitio.

Lou lendemo, lou paubre Peirassou cujet se trouba maû quant ô se viguet voula.

Mâ ô ne disset re et passet so nei a carculâ coumo ô pourrio trouba lou voleur.

Do plan cop ô suçounet Fayou.

En se levant ô courguet chaz soun vesi et li disset d'un air tout rejôvi :

— Dijo, Fayou, vene te damanda un counsei.

— Qu'ei a co ? Peirassou.

— Vei qui, io avio un billeil de millo francs, l'ai cata dins un coin, ente degu ne pourro lou trouba. N'en ai n'autre, ne sabe pas si fô lou mettre coumo lou prumiei, o be si fô chercha n'autro cachetto.

— Si qu'ero me, disset Fayou, lous metrio ensemble.

— Merci, Fayou, qu'ero moun edeio, mâ sai counten de veire que tu sei de moun avi.

Dins lo journado, Peirassou barret so porto en cliau et filet dau biaî de lo Chavaillo.

Fayou n'en proufitet per tourna mettre lous millo francs dins lo boueitio, pensan tout prenei quand lou viei orio pourta l'autre billet.

« Queto nei, lous massarai tous dous », se dijo-t-eu en se fretant las mas.

Lou viei Peirassou tournet après soulei coueija. O attendet un momen, entret dins soun varjer et, sei fâ de bru, deterret lo boueitio, l'empourtet et mettet a lo plaço un brave eitroun.

Fayou, cata darei no roundreniero lou viguet rentra chaz se, ô courguet deterrâ lou magot, pensan maâsa dous billeis de millo francs...

O ne troubet ma no...

FRANCEI.

QUI DIEU PARDI

Dau tem que mo grando vivio, n'io plo mai de seisan-tans, co parei que toutes las fennas de notre paî fagueren n'assemblado per na troubâ loun boun Di et li damandâ de ne pus suffri per vei lous pitits.

Lou Boun Di, qu'ei toujours preite a fâ plasei ô paubre mounde leur repoundet :

— Vole be, mâ qui padiro ?

— Lou paî, pardi, qu'ei be soun tour !

— Entendu, n'â aûtreis-en tranquillâ.

Cauquei jours apreî, lo Nardi de Chaz Galet qu'eicas-sounavo coumo soun home din lo peço de las Coumbas, disset :

— Jantou, vaî te coueijâ, io creset que ne vaû pas tardâ a troubâ lou menaje que nous atenden.

Jantou mettet soun tren sur soun epanlo, tornet a lo meijou, beguet un boun veire de vi per se baillâ dau courage et se mettet dins soun liet en se damandant ce que n'avo li ribâ.

Dins lo net, lo Nardi troubet un gente menaje, mo fe, sei senti no doulour et sei baillâ no credado.

L'ero bien countento et lou Jantou, que n'avio re senti noun pu, ero tout rejôvi.

Mas lou grand Lionar de Courdelas que tarsavo darei lou bos, s'avio trouba mau tout d'un cop. Fpuguet lou pourta dins soun liet et o avio creda soun ventre touto lo net. O n'aguet ma dau soulajomen quan lou pitit de lo Nardi fuguet nâcu.

Tous lous vesis agueren lo memo pensado. Paubre Jantou !

Mas las fennas fagueren n'autro assemblado, et lo Nardi en teito, tourneren trouba lou Boun Di :

Seignour, disseren-las, n'aimen mier garda la doulour per nous. Tourna io mettre coumo qu'ero.

Entaû lou Boun Di faguet e co n'en o toujours segu.

MAURISSOU.



Drollâs que cherchâ un galant, mettez no rosô au mitan de votre parpai. Quand lou galant siro trouba, mettez-lo ô coûta.

Mas fau chôzi no bravo rôso que sente boun et ne s'effeuille pas d'abord.
Vous n'en troubarez en touto sasou chaz

GERMANEAUD, 20, faubourg des Arènes, LIMOGES

Un li trobo de tout per fâ de braveis cadeaux : Bravas lampas electricas, mountadas sur porcelaino de Tharaud, notre grand artiste lemouzi, daus pitits lustreis, daus posteis de T. S. F. et tant d'autras bravas besugnas. Et fau veire lous prix !!!

Un piti mogasin, que vau lo peïno d'essei counegu, ve de se mounta au limero 20, dau faubourg de l'Oreno. Ce se pelo :

“ TOUT POUR L'ÉLECTRICITÉ ”

Un li trobo, au meillour prix, lampas, ampoulas, lustres. Un li trobo aussi daus postes de T. S. F. que chanten coumo daus roussignôs, daus toupis per mettre las flours, daus saladous, mas quelas quittas ecuellas ventrudras entre lo soupo ei si sabourouso.

Rentrâ-li tout ei brave, boun et boun marchâ. Vous n'en sertirez pas sans fâ quauco pito empleto.

Las poulâs dau tountoun

Guillen ei resta viei garçou.
O-t-eu gu tor obe rasou ?
Qu'ei pâ moun ofâ de iô dire.
Ne sei mâ qui per vou fâ rire.
Ce qu'ei segur, qu'ei que Guillen
Din lo vito pren dô boun ten.
O dit que co baillo courage,
Qu'un ei mai voillen a l'oubrage
Quand un pren de lo distraci...
Sei no fenno per fâ sâ si !
Per loû poutou, chacu devino
Que sei peno, Guillen s'eisino.
Mâ vou vâ veire que Tistou
Ne iô devine pâ dô tout !
Tistou ? Qu'eri(o) un gente menage,
Lou pû fi de tout lou village.
O vio chiei an, de beû piau bloun,
Et Guillen erio soun tountoun.
Un diomen, penden lo veillado,
Guillen, que vio fa no virado
Deich' a Paris, en delezei,
N'en racountavo loû plasei.
Tistou ,din un coin, s'amusavo,
Mâ, sei n'en veî l'air, ecoutavo.
Ce que l'interesse lou mai
Qu'ei quand Guillen disse : « Li o lai,
» Din queu Paris, iô n'en repoude,
» La pû belâ poulâ dô mounde.
» Coueije coum' eila chaco ne !
» D'y pensâ n'en perde lo le !
» Segur lâ valen lou vouyage !
» Que co cho si loin, qu'ei doumage.
» Ma, moun armo, l'y tournorai
» N'autro ve, sitôt que pourrai !..
» Cotissou, versâ-me a beure :
» Ne sei pâ gori de mo feure ! »
Et i rijan ! Et i rijan !
Lou gomin n'en fogue autant.
Lei doun, so mai, un pau outouso,
Prengue so figuro seriouso,
Et disse : « Se fai tard, Tistou,
» Vai te coueijâ, mon beletou ! »

Tistou ne fogue pâ lo mino,
Et s'en one de lo cuisino.
Mâ, pû tard, quand lou veillodour
Neren se coueijâ a lur tour,
I ne trouberen pâ lou drôle.
« Soun lie n'ei pâ defa, qu'ei drole,
» Ent'ei-teu ? » disse lo Coti.
Et lo crede : « Tistou ! Piti !
» Sei-tu cocha ? Sei-tu defôro ?
» Vaque vite. No vieillo vôro
» Se permemo din lou couder :
» Lo te menorio din d'Enfer ! »
No pito vou reipoude, fiêro :
« Lo ne me prendro pâ denguero.
» Sai très bien ! Vou einouyâ pâ :
» Sei coueija coumo lâ poulâ ! »

E. RUCHAUD.

Lo vito d'un porc

Un jour, un riche peïsan venguet a mourî. Qu'ero n'hôme qu'avio toujours saubu fâ sous affâs et ô ne perde pas de tem :
O fuguet d'abord riba a lo porto dau paradis.

— Tu voueis beleû rentrâ ? disse sen Piere.
— Oui, boun sen Piere, et crese li veî tous lous drets !
— Et mas pauvre ! Que diable as-tu fâ sur lo terro per n'en eissei si segur ?

— Laissez me vous dire : N'ai jamais fâ de tort a degu.
Quant avio fam minjavo, quant avio se bevio, quant erio braca me posâvo. N'ei-co pas lo vito d'un sen ?

— Ah be ! disse sen Piere, qu'ei lo vito d'un pore !

NAZ-DE-LIRO.

Las bounas feitas

Lou piti Pierre de chaz Pouloundaû ei rempli d'eime per soun âge. O vai têt passâ soun santificat et qu'ei lou pus sage dau quatregirme. Coumo lo prumeiro coumunioun s'apraïmo, lou cure li païso quauquas questis :

— Pierre, dijo-me las bounas feitas de l'annado. Co n'ei pas malaïsa.

— Plo, Moussur lou Cure. N'ien o quatre. Qu'ei d'abord lo Sen-Marti, quand nous tuen lou porc, après qu'ei lou Carnovar, après qu'ei lo gerbo-baudo. Lo quatriemo ne toumbo pas toujours dins lo memo sasou : qu'ei quand nous batisen lou piti frai !

Vous pensez que lou pauvre Pierre se faguet tirâ l'orelias. Perlant ô n'avio pas tout a fait tort, et qui pourrio lou blamâ de prenef per no bouno feito lou jour ente un minjo lous pâtis ?

LUZERNO DE PLAÏ.

— Perque veseis-tu si be et si louen, Jeantou ?
— Qu'ei que mas lunettas venen de lo Meijou

GAUTHIER-LAVIGNE,
OPTIQUE MEDICALE

13, rue Saint-Martial, LIMOGES

Succursales : 88, avenue Garibaldi et 35, rue du Clocher

Lou boun librêi !

5, place Fournier, LIMOGES
Téléph. 27.32

LIBRAIRIE PALISSON

E. DESVILLES, Succ.
Lou boun papiei !

No drollo que s'en vai en balado, bien maiado ei meta maridado. Drollas courez vite chaz

QUEYROI, 7, boulevard Louis-Blanc, 7
LIMOGES

per maiâ votre parpaï.

Lou magasin ei toujours en brando de flour coumo un vargef au mei de Mai !

Gn'io pâ de pû jentâ fennâ que lâ Limousinâ.

Mâ lâ soun lâ reinâ do mounde quand lâ pourten dô ornemen de

chaz **VALÉRY, Bijoutier, 45, rue du Clocher**

Dî queu mogosin, diriâ que lou soulei li lusi lo ne coumo lou jour.

Lou limero gâgnan

Lî vio un brav' ôme qui pelovan Jantou, que voulio prenei un bille de lotorio ; mâ ô n'en voulio un de qui que gâgnovan e pâ dô autrei.

Qu'èrio diablomen maleisa, vou iô counprenei, de pâ se trounpâ. Veiqui coumo nôtre Jantou se li prengue :

Lou paubre viei, fô be iô dire, cresio beuco en lâ potô-fiâ que vou racounten loû devinairei. O li cresio tâlomen qu'ô n'en perdiô lo counprenôto.

Justomèn, li vio no vieillo surcheiro, no devinoresso, coum' î disen di lou gran mounde, que restavo pâ bien loin de châ se. O ne lo trouba.

— Mâ qu'ei eisa iô sobei, li disse lo. Veiqui : Queto ne, vou va reibâ que vous vesei dô chiffrei ; foudro bien tenei counte de lour pôsici e vou n'orei mâ qu'a prenei lou limero qui foran tou ensemble.

Nôtre Jantou s'en tourne plo counten. O ne se coueijâ aveique de lâ pensadâ de miliounâri. Dî lo ne ô reibe qu'ô vesio dou nô (9) eicri chacun sur uno de lâ jautâ d'uno partido de so fenno qu'èrio tou-t-a fe lou countrâli de so figuro.

« Dou nô, se disse-t-eu, co fai quatre-vingt-douze-nô (99). »

E lou veiqui parti en canpagno per vei queu limero. A forço de charchâ ô lou troube, mâ ô li coûte char d'argen e de peno e d'enbeitiamen ; mâ ô lou vio, qu'èrio lou principau, e vivo lou grô lo.

Lou jour dô tirage, nôtre Jantou vesio tou-t-en rôso e bâtissio deija dô chateû en Espâgno.

Mâ vai te fâ foutre, co fugue lou limero nô cen nô (909) que gâgne, lou seu ne gâgne re.

Vôtrei pensâ si nôtre paubre coueinar erio en coulêro ; plo segur n'ôrio pa fougu li nâ pissâ sou lou nâ.

Tou-t-eimoli ô courgue châ lo surcheiro e se mete de l'ensurtâ que co n'en fumâvo.

Quant ô sigue en pau calma, lo li demande ce que l'î vio.

— Ce que l'î o, ce que l'î o, l'î o que vous sei no vieillo manteuso, no vieillo vouleuso, no re dô tou que m'o troumpa. Mâ tu iô poyorâ surcheiro de molur !

— Mâ, moun paubre, qu'ei a co ?

— Vou vio domanda quau limero foulio prenei per gagnâ

e vou m'a dî que io reiborio a dô chiffrei que foudrio bien retenei e qu'î forian lou limero gâgnan.

— Ei be ?

— Ei be viquei dou nô (9) sur lou dorei de nôtre fenno, un de chaque coûta, iô pense que co fai quatre-vingt-douze-nô (99) ; qu'ei lou limero qu'ai prengu e qu'ei lou nô cen nô (909) qu'o gâgna.

— Mâ bougre de toueirau, visâ bien : Un nô sur chacun de lâ fessâ de vôtre fenno aveique un piti lunou ô miei, co fai be nô cen nô !

BARGOMIAU.

PER VENI VIEI

Dins lou tem, vous parle de mai de cinquante ans, lou pai Beuse avio lo pus bravo vigno de Varnei, et ô n'en tiravo tous lous ans no vinteno de barricâs de queu boum vi blanc qu'eipinguetâvo dins lou verre, et que lous porcelainiers de Limogei — lous blôdâs blanchâs — preferant au quite Bourdeu, per mour qu'o lour netiâvo mier lour gourjoreu.

Mogra qu'ô aimeisso lous êcus — coumo fan tous lous « cu-pouchu » — lou pai Beuse ne vendio pas tout soun vi. O n'en gardavo no bouno pervezi et lou goutâvo si suven que queu vi blanc li faguet venî soun nâ tant violet coumo lo raûbo de l'evêque. Eitabe is lou pelovan Mounseignour et co li fasio pas degreû. Qu'ero pertant un eigueuâ vu que jamais o n'avio vougu batisâ soun vi !

A forço de goûtâ o aguet n'attaquo, o n'aguet douas, et a lo troiseimo tout lou mounde disseren : « Queto ve, co liei, o ei netia ! ».

Is neren charchâ lou medeci que venguet vite... lou lendemo. En riban, ô troubet soun home, siclia dovan so tablo, soun eicunlâdo de soupo brejauo cluchado de chôs et de robâs et so tarcheiro de vi blanc.

O li credet :

— T'ai be pertant prou dit que qu'ei toun vi blanc que t'empechero de venî viei !

— Moun armo, faguet Beuse, ai be quand mêmo trapa mous seïssanto-dies ans !

— Dijo que qu'ei me que sais no luro, disset lou medeci. Mas ecouto-me. Si tu n'en avias pas tant begu, tu poueis me creure, t'aurias depei lountem passa tous quatre-vingt ans !

JAUBOURI.

Nio pus mouyen de serti sei paraplu. N'en fô toujours un et salide per mour que lou ven lou devirorios. Nas chaz

F. GARNIER, successeur de PEJOUT

8, rue Haute-Vienne,

à Limoges, v'autreis sirez bien servi.

O ven aussi de las cannas mai de l'ombrelas per l'eiti.



Marque Déposée

Peichadours ! Veiqui lo sason ente fai boum se divertî au bord dans ris.

N'oblîdez de nâ fâ un tour chaz Colox ente v'autreis troubarez tout ce que faut per rempli votro benato de braveis peïssous.

COLOX, rue Adrien-Dubouché.

Pour vous, Mesdames, poissons rouges, aquariums, bibelots.

Tu seis fier coumo un petorabo Jantissou !
 Tu prenéis tous habis de noço per nâ à lo feiro ?
 Tu te troumpas moun paubre Lionard... qu'ei daus habits
 de tous lous jours

Chaz DONY

en d'un virò mo un fai un moussur d'un touerau coumo
 me.

A. DONY

VETEMENTS POUR HOMMES, DAMES, ENFANTS

2, 4, 6, rue des Halles, 2, 4, 6, Limoges

Maison la plus ancienne qui ne doit son succès qu'à sa fidèle
 clientèle. — Téléphone 42-84.

NOUVEAUTÉS, DRAPERIES, TISSUS, etc...

LECOMTE-CHAULET

Place des Bancs, 19-21, Limoges

Un m'o di, l'autre jour, que quello meijou tenio depei
 cent-an. Beleu pâ tan. Mâ l'ei counegudo dî tou lou poi...
 e pu loin denguero.

Eimandi voulio veire lou potrou. Guei de lo peno a
 possâ per nâ li parlâ. Li vio do mounde, dô mounde, diria
 qui baillen tou per re, De vrai, per loû leinâgei, là nu-
 veutâ, lo sedo, degu ne po li fâ coumo li. I chaten dô
 moudeleou de besugnâ a boun pri e tournen vendre a piti
 benefice. Quei tou lou secre de lo meijou.

Nâ li no ve, voû li tournorei.

Un viei proverbe dit qu'a no
 bravo teito tout va bien. Qu'ei
 beleu be vraî. Mâs lous chopous
 de chaz LEBUR fan mier que
 co : metter lous sur no vorro
 teito, lo parei brâvo !

La Chapellerie

LEBUR

et


LEBUR

MODES

Rue Adrien-Dubouché

Les mieux assortis de la Région

Las fennas aimen plo las baguas, lous couliers et tout ce que
 brillo, las se trouben pus fieras... mai nou aussi. Las troubaran
 tout ce que lour fo en l'adrosso de que lo pito moutro



Chaz SENAMAUD ET SŒUR,
 un po troubâ dau porto monudo
 ente sauten las pessas, n'lo
 aussi de qui pitis saes brenous
 qu'aiment tant la geintas fillas
 de notre Lemouzi.

SÉNAMAUD & SŒUR
 26, Rue Montmailler :: LIMOGES

Drolleis, per-essei billas a lo
 modo et pas trop char, nâ
 troubâ :

Jean BOISSOU, Tailleur
 7, place des Jacobins, 7

et presentâs v'autreis de lo part
 dan « Galetou ». V'autreis sirez
 b'en reçaubus.

Is disen que faut beure lo biero en eiti quand fai
 chaud. Bouei co fai per lo biéro coumo per l'amour
 qu'ei toujours lo sasou !

Bevez quello de **Bertrand-Mapataud**
 qu'ei lo meillour.

Les bières

BERTRAND-MAPATAUD

Route de Nexon, Limoges — Tél. 34-16

Depei que notre chambro ei tapissado en dau papier **Sanitex**,
 notre fenno qu'ei pertant si dermillouso se reveillo en chan-
 tant et n'oblido jamais de m'embrassa. Queû papier Sanitex,
 ple d'oseûs et de flours, ecliansi lo chambro. O semblo toujours
 niô, permour qu'un po lou lavâ en dau sablou saus tou bimâ.

Courez n'en chatâ chaz **GRANY**, lou droguiste de lo place
 daus Carmeis. Votro fenno se reveilloro pus dabouro et fero
 de meillour travaî !

Nio pas d'errour qu'ei no fâ entendudo, per etre billa
 de boun goût et per toutes las sosous, nio mâ no meijou,
 qu'es chaz

HENRI ESDERS

Rue Adrien-Dubouché, à Limoges

O vend boun et boun marchâ et n'ien n'o per toutes
 las boursas.

Is disen que tout ei char. Co n'ei gro vraî. V'autreis ver-
 rez qu'un po vei no bravo garnituro de chambro per pau
 d'argent, si v'autreis âs lo bouno edeio de nâ fâ no visito à

L'Ameublement Général

UNION DES FABRICANTS

Limoges, Place de la Motte, Limoges

**Tout ce qui concerne
 L'AMEUBLEMENT**

Tous genres

Tous prix